

峇縣志卷十六

建置志一

古者雨畢而除道水涸而成梁清風至而修城郭宮室
書曰惟事事乃其有備有備無患故興學以備教儲粟
以備養治兵以備武築防以備水鴻纖畢舉具有典章
掌故備存司民社者奉政教焉考工存官禮而春秋重
興作建置之義不綦重乎推之恤貧而先無告推恩而
逮白骨雖叢爾邑固或有闕况治兼兩地院塚之設於
政治尤關攷之舊志所載與今改縣形勢不同然制度

固無殊焉事有沿革詳書以識今昔之異而其無關治體者槩從畧云

學校 縣學教諭鄉學訓導俱詳官師表

縣學署 在府城內同知署東明倫堂三楹乾隆二十年八年教諭霍正吉建何廷詢修堂後爲宅

廩膳生員二十名 歲額廩給學田詳賦役

增廣生員二十名

附學生員 歲科兩案俱入學一十七名原額一十八名併縣時有割歸元城十三村改歸元城

學一
各

武生 歲案入學一十四名原額一
十五名改歸元城學一名

鄉學

在舊魏縣東南隄角

見圖說

廩膳生員二十名

增廣生員二十名

附學生員

歲科兩案俱入學十六名原額一十八名割歸元城學二名

武生

歲案入學一十三名原額一十五名改歸元城學二名

縣學祭器

銅爵二十

鄉學祭器

銅香爐一

銅花瓶一

銅爵一

縣學書籍共三十七種

聖諭廣訓一冊

御製平定準哈爾告成太學碑文一冊

上諭七十二冊

御製平定兩金川告成滿漢合璧太學碑文一冊

御製詩初集一部

御製周易述義一部

欽定詩經傳說彙纂一部

欽定書經傳說彙纂一部

欽定春秋傳說彙纂一部

御纂春秋直解一部

欽定四書文一部

欽定吏部品級考一部

欽定吏部處分則例一部

欽定吏部銓選滿漢則例一部

欽定學政全書一部

欽定鄉會墨選三冊

上諭違碍書目一冊

大清律一部

御製日講四書一部

康熙字典一部

御製周易折衷三部

御製性理精義一部

朱子全書一部

續增聖政全書一部

小學名解四冊

駁呂留良四書講義一部

畿輔通志一部

名教罪人詩二冊

科場條例一冊

續增科場條例一冊

禮部議覆提調條例一冊

稽考簿七冊

科場磨勘簡明則例一冊 請嚴冒籍條例一冊

賑紀一部 督補則例二冊

養局案紀二冊

鄉學書籍共一十一種

上諭廣訓一冊

御製詩一部

御製周易述義一部

御製詩經傳說彙纂一部

御製書經傳說彙纂一部

欽定四書文一部

欽定壇廟會典一部

欽定日講四書一部

康熙字典一部

欽定學政全書一部

畿輔通志一部

按兩學祭器闕失殆盡

頒行書籍自被水移學不無遺亡而鄉學屢搆水災遺

亡尤甚僅就現存者備錄於冊以示將來俾自今有

所徵焉

應龍書院 在舊縣護城南隄下明知縣朱湘建知縣

李一鰲增修今廢

社學六所 一在舊縣東門內一在大嚴屯一在艾家口一在北張鋪一在李茂隄一在邊馬集

學田 明嘉靖四年知縣諸備置學田一頃三十四年知縣甄敬置學田二頃七十四畝三十五年知縣朱湘置學田二頃三十畝萬歷三十年知府孫成泰割理刑廳官田一頃六畝九分改入學田鞏昌知府邑人趙時

敏捐地一頃又捐書院一所在縣東街

本朝大學士邑人成克鞏捐地四十畝作名宦鄉賢祭田
以上社學學田據舊志載入皆湮沒無考乾隆二十
八年以鄉學學田撥歸縣學一頃坐落雙井鎮

本邑義學三所 一在舊學西街學田五十畝坐落東
長興村一在朱兒莊學田四十五畝坐落本村一在磨
兒莊學田二十畝坐落本村

思誠書院 在舊魏啟聖祠前明知縣李栻建久廢

洹陽書院 在舊魏治西明知縣章正岳建久廢

社學四所 一在舊魏東街明知縣鮑琦建李冕修一
在沙口集一在雙井集俱知縣李冕修一在大寨村知
縣李栻建

義學三所 一在舊魏城內邑人崔維雅建一在雙井
集邑人申乾建一在中三家村邑人韓爵建

學田 圪塔村地一項四十畝陌村地四十畝崗上村
地三十七畝五分于村地一項四十八畝八分新寨村
地六畝河浴村地五十四畝又生員常虛已施地八十
四畝九分崇禎間變價資教諭段可觀歸櫬廣西

以上社學義學學田據魏志載入亦多無考

新併義學七所 一在舊魏治東門外康熙六十一年

知縣馬襄建共學田二頃四十七畝一分五釐三毫其
坐落村莊詳後義學記乾隆二十二年學舍水圯今移
於東南隄禮賢臺舊趾一在南秦固學田七十一畝一
在高兒寨學田三十畝一在仕望集學田三十七畝一
在郭棗林學田六十畝一在小斜街學田五十二畝二
分一在院家堡學田五十畝

以上秦固六學學田各坐本村乾隆二十六年知縣

秦學溥併斜街院家保爲一學

明舒城張伯琥

教諭

新建臨

龍書院記大名夙稱靈秀之

區而邑距府甚近邇來科第彬彬業稱王國楨矣其有

書院則自瑞陽朱侯始佐嘉靖三十八年己未進士出

爲湖廣江陵知縣丁內艱復除大名甫下車卽率諸生

爲文會手自點竄出其制義諸生爭相傳誦隨建明倫

堂抱廈三楹復卜地城南創築書院時方早公步禱

王廟旋即大雨因額曰應龍堂三楹兩翼號房各十楹

庖垣俱庀則鎖而試諸生遴其雋者張生崇雅田生則

真趙生來聘等亟加獎酬已置地百畝爲供億費又置
百三十畝以助弟子員之貧者蓋公之嘉惠後學若此
踰年爲隆慶七年丁卯張田兩生俱中順天解額不負
夙期侯可謂善作人能得士者矣爲紀其略以示後來
侯名湘義烏人

李景元重修應龍書院記在昔虞周養士率建置學校
故米廩瞽宗厥名各異然未有所謂書院者有之自唐
江州景星始爾後所在設立浸多或俎豆名賢或標崇
勝地如歛之紫陽廬之濂溪扶風橫渠鵲湖象山尤都

烈千秋不朽也吾邑故有應龍書院迄今歷四十餘年
中經風雨飄搖漸就頽圯所存者心遠亭三楹故猗氏
張侯問明所建講堂三楹簌簌土下欲傾會今虹西李
侯同博士諸文學過此曰擊荒蕪銳意修復而木石灰
斃俱無所出吏曰取之行戶及民間也公曰奈何以公
家務累閭里也因出藏中金給值視民間市易於是諸
具雲集又念工役浩繁派及編民不便即令在官徒役
鑿土汲水用佐經營秋臺不犯而又時時躬親督課肇
工於萬歷四十年六月暨十一月終工竣外西建一坊

題曰應龍書院內建一坊題曰光映青藜講堂三楹題曰談經深處折而東北房四楹題曰元晏齋南房三楹題曰稽古居東號房十楹題曰考德西號房十楹題曰問業心遠亭前建柵欄玲瓏可四望題曰山河覽秀繚以周垣雜植松檜規制門敞遙睇之如在瀛洲境中云已糾諸士爲文會月凡三舉公又躬詣批閱剖秘密藏爲多士指南且筆札之暇所給更牘上彬彬向風不啻雨化矣余以間經此地地其臺可登眺室可吾伊可納爽檐可待月輒低徊不能去雖紫陽濂溪橫渠象山

諸名勝何以加焉既落成博士文學輩乞一言紀其事
余不辭而爲之記侯名一鰲漢中人庚戌進士

開州王崇慶新設學田記夫學田學之田也名學有田
以養士也自邑大夫諸侯始夫爲治莫先乎才儲才莫
先乎教教才莫先乎養養以先之教以濟之天下之能
事畢矣嗚乎此諸侯學田之舉所以大有補於名教哉
大名民朴事簡俗雅士貧號稱易治顧學田未立士多
失所而業不專諸侯下車未幾首詢及是曰是吾責也
遂捐俸易田凡若干畝令耆老謹厚者一人司之計年